



## Predložen pritvor uhapšenima u Odžaku

Tužilaštvo BiH predložilo je Sudu BiH određivanje jednomjesečnog pritvora Marijanu Brnjiću (1966), Martinu Barukčiću (1965), te Iliji (1968) i Pavi Glavašu (1961), svi iz Odžaka, osumnjičenima da su počinili zločin nad žrtvama srpske nacionalnosti na području općine Odžak tokom 1992. godine. Oni su uhapšeni prethodno u akciji pripadnika Državne agencije za istrage i zaštitu (SIPA), a po nalogu Posebnog odjela za ratne zločine državnog Tužilaštva.

Na teret im se stavlja da su kao nekadašnji pripadnici 102. brigade Hrvatskog vijeća obrane Odžak, od juna do augusta 1992. godine, silovali nekoliko žrtava, žena srpske nacionalnosti sa područja Odžaka. Sud BiH će odluku donijeti naknadno. **A. B. Č.**